

Superheld

M+T: Nils Schreiber, Mike Kremer

© 2025 Edition Miljö / ROBA, Edition Arcade Island / ROBA

Ich wör jähn ne Magier, ne jroße Zampano
Dann flöje mir de Hätze zo su wie Romeo

Ich hätt jähn Jedi-Kraff su wie Obi-Wan
Doch ben leider miestens nor Solo ohne Han

*Ben nor ne Jung vun hee, nit vun nem andere Stään
Doch ich maach dir Kaffee un naaks halt ich dich wärm*

**Ich ben nit stark su wie Supermann
Kann nit fleeje su wie Peter Pan
Ben keine Zauberer oder Superheld
Nor dä Typ, der immer zo dir hält**

**Hey yo, hey ya - ben keine Superheld
Hey yo, hey ya - nor dä Typ, der immer zo dir hält**

Ich hätt jähn ne Aanzoch aan, ne Panzer us Titan
Doch han nor zwei Ärm, mit denne ich dich halde kann

Ich ben keine Wundermensch, der Bösewichter jag
Ävver immer do für dich, häs do ne schlechte Dag